

tibus, quae scilicet neque sunt propria Congregationis neque eidem stabiliter concredita, sed quorum Rectores pro tempore sunt Sacerdotes Oblati, omnes Sacerdotes Oblati ibidem celebrantes proprium kalendarium Congregationis in offerendo Missae Sacrificio sequi possint; minime vero alii Sacerdotes non Oblati.

Rector autem Ecclesiae ad normam Can. 479 est intelligendus, nempe, ille Sacerdos cui cura Ecclesiae legitime demandatur. Non sufficit proinde ut in tali ecclesia Sacerdos Missam, etiam habitualiter, celebret vel aliud sacrum ministerium peragat; sed requiritur ut ipsam ecclesiam habeat certa ratione sibi concreditam saltem quoad officiorum ordinem et disciplinam in eadem servandam.

Hoc nomine Rectoris Ecclesiae non veniunt Cappellani religiosarum seu religiosorum religionis laicalis, Confraternitatum et in genere Associationum Ecclesiasticarum.

4. Nomination de Son Exc. Mgr. Paul Dumouchel, O.M.I., en qualité de Vicaire Apostolique du Keewatin (Canada).

PIUS EPISCOPUS, SERVUS SERVORUM DEI,

dilecto filio Paulo Dumouchel. Sodali Oblato Mariae Immaculatae, electo Vicario Apostolico de Keewatin, eidemque Episcopo titulo Sufetano renuntiato, salutem et apostolicam benedictionem.

Quae sacrae Litterae narrant de turbis pane mirum in modum satiat, Jo. VI, 1-13; Matt. XIV, 13, sane speciem praeferunt hodiernae hominum societatis, quippe cui, desiderio Numinis affectae, Christus per Apostolos suos, qui sunt Episcopi et Pastores, benigna manu veritatis panem largiatur. Cuius rei causa, donandi scilicet egenis hominibus gratiae dona. Te, dilecte Fili, ad munus Vicarii Apostolici de Keewa-

tin, in Canadia regione, vocamus, quo postquam venerabilis Frater Martinus Lajeunesse se rite abdicaverit, adhuc vacat; novimus enim Te, praeter pietatis sinceritatem, qua nites, et prudentia esse praeditum, et studio divinarum rerum, excellere, et usu pastoralium officiorum praestare; ut magna spes sit in Te collocanda, tuo videlicet labore, consilio, sapientia Vicariatum Apostolicum de Keewatin haud pauca omnis generis incrementa esse capturum. Post igitur venerabiles Fratres Nostros auditos S. R. E. Cardinales, S. Congregationi Fidei Propagandae praepositos, de sententia venerabilis Fratris Joannis Panico, Archiepiscopi titulo Justinianensis, eiusdemque in Canadia Apostolici Delegati, de Nostra summa potestate Te Vicarium Apostolicum de Keewatin eligimus et nominamus. cuius regimen et administrationem habebis sive religiosarum rerum sive temporalium bonorum, datis scilicet Tibi iuribus et privilegiis huic honori congruentibus, oneribus et obligationibus impositis cum hac dignitate conjunctis. Quo tamen aptius concessi muneris officia obire valeas, simulque egregio orneris decore, Te, dilecte Fili, ad Sedem episcopalem titulo Sufetanam evehimus, quae est in Provincia Byzacena, cuiusque titulum, commissa venerabili Fratri Carolo Cavallera Ecclesia Nyeriensi, nullus Episcoporum gerebat. Maiori autem tuo commodo studentes, Tibi facultatem facimus ut extra Urbem Episcopus consecreris a quem malueris catholico Episcopo, assistentibus ei duobus eiusdem viris dignitatis, qui omnes fidei obsequio Romanae Sedi obstricti sint. Eidem vero venerabili Fratri, quem ad hoc elegeris, Te consecrandi mandatum per Nostras has Litteras damus. Volumus praeterea ut, antequam Episcopus consecreris et in tui Vicariatus possessionem proficiscaris, teste aliquo catholico Praesule qui gratiam et communionem cum Petri cathedra habeat, ritalem catholicae fidei professionem facias, et cum fidelitatis erga Nos et Apostolicam Sedem tum contra modernistarum errores iuxta praec-

scriptas formulas iureiuranda des, quarum exempla, his Litteris adiecta, Tui eiusdemque Antistitis nomine subscripto ac sigillo impresso, ad S. Congregationem Fidei Propagandae quam primum mittenda curabis. Quae iureiuranda nisi dederis nec fidei professionem, quam diximus, feceris, sive Tu sive Episcopus qui Te consecraverit poenis uterque plectemini iure descriptis. Ceterum, dilecte Fili, his Tecum communicatis, nihil reliquum Nobis nisi vota facere ut qui peramplae Ecclesiae Vicarius Apostolicus praeficeris, longe lateque per eam christianarum virtutum semina spargas, firmando fide populo, eique caelesti lumine collustrando. Datum Romae, apud S. Petrum, die vicesimo quinto mensis Februarii, anno Domini millesimo nongentesimo quinquagesimo quinto, Pontificatus Nostri sexto decimo. H.C.

CELSUS Card. COSTANTINI

S.R.E. Cancellarius.

† ALFONSUS CARINCI. Arch. Seleucien.
Dec. Prot. Ap.

Hamletus Tondini, Apost. Cancel. Regens. Albertus Serafini, Protonotarius Ap. Expedita die XXV Mar. anno Pontif. XVII.

Al. Trussardi, pro Plumbatore.

In Can. Ap. tab. Vol. XC N. 35

S. C. Propaganda Fide: Num. 1557/55

5. Décret officiel d'introduction de la Cause du Père Gérard O.M.I., Apôtre des Basotho.

Le 9 juin 1955, la Maison Générale recevait les exemplaires du décret officiel d'Introduction de la Cause de Béatification du Père Joseph Gérard, O. M.I., Apôtre des Basotho.

Une copie du décret est destinée à chacune de nos Maisons et Résidences. A cet effet, les paquets